



ZIRKULARRA, 2022KO OTSAILAREN 15EKOA, HEZKUNTZA SAILEKO LANGILEAK KUDEATZEKO ZUZENDARITZARENA, 2021EKO EKITALDIARI DAGOKION FORMAZIO-FUNTSAREN BANAKETARI BURUZKOA.

Hezkuntza, Unibertsitate eta Ikerketa Saileko (gaur egun Hezkuntza Saileko) lan-legepeko Zerbitzuetako langileen Lan Hitzarmenaren 57 artikuluari jarraituz, Formazio Funtsaren kargurako laguntzetara biltzeko eskabideak aurkezteko deia egiten da.

I. KAPITULUA. OINARRI OROKORRAK

1. artikulua. Laguntzen helburua eta edukia

Zirkular honen helburua da honako hauek arautzea: Formazio Funtsaren kontura onuradunei ematen zaizkien laguntzen edukia, kudeaketa-prozedura, ebazpena eta ordainketa. Ondoren zehazten dira laguntzen modalitateak:

1. Euskalduntzea.
2. Hobetzeko ikastaroak.
3. DBHko graduatu-titulua edo Batxilergoko titulua edo informatikako oinarrizko ikastaroak.

Laguntzak 2021 urtean benetan egindako gastuei dagozkienak izango dira.

2. artikulua. Laguntzen zenbatekoa

1. Likidatuko den ekitaldirako baliagarri dagoen zenbatekoa 15.000 eurokoa da.
- 2.- Gehienez pertsona bakoitzeko laguntza/k 1.000€koa izango da/dira, interesdunen borondatek aparteko salbuespenezko kasu oso larrietan izan ezik; kasu horiek Batzorde Parekideak aztertuko ditu.
- 3.- Langile batek Hezkuntza Saileko lan-legepeko Zerbitzuetako langileen Formazio Funtsatik 5.000€ jaso baditu, ezin izango du parte hartu hurrengo bi deialdietan.
- 4.- Banatu beharreko zenbatekoa baliagarri dagoena baino handiagoa baldin bada, laguntzak hainbanatuko dira.

3. artikulua. Pertsonal-eremua

- 1.- Ondoren zehazten direnek sor dezakete 1. artikuluan adierazitako laguntzearako eskubidea:

Lan-legepeko pertsonal finkoa, bakantedun bitarteko kontratua duen pertsonala, sententzia judizialak lan-harreman mugagabea onartu dien langileak eta hurrengo kidegoetako aldi baterako langileak: garbiketa, sukaldaritza eta atezain zaindaria.

Aldi baterako langileek 2021. urtean gutxienez hogeita hamar egun lan eginda izan beharko dituzte (urtarrilaren 1etik abenduaren 31ra arte).

2. Titularrei bakarrik dagokien egoeren inguruko eskaerak hartuko dira kontuan.

4. artikulua. Eskabideak eta dokumentazioa

- 1.- Interesdunek eredu ofizialaren arabera eskabidea aurkeztu behar dute, behar bezala beteta.



2. Laguntza-modalitate bakoitzean eskatzen den dokumentazio espezifikoaren jatorrizkoak aurkeztu behar dira eskabidearekin batera; zuzenketa eta ezabaketekin datozen agiriek ez dute baliorik izango. Salbuespenez baino ez dira onartuko fotokopia konpultsatuak, jatorrizko agiriak aurkeztu ezina justifikatzen denean, alegia.
- 3.- Espedienteak ebazteko kontuan hartuko diren datuak egiaztatzeko eta argitzeko, Administrazioak bere esku izango du datu horiei edo eskatzaileen administrazio- edo lan-goerari buruzko dokumentazioa eskatzea.

5. artikulua. Eskabideak aurkezteko epea eta tokia

Eskaerak 2022ko otsailaren 15etik martxoaren 15era bitartean (bi egunak barne) aurkeztu ahal izango dira Sail Lurralde ordezkariarekin edo Zuzenean zerbitzuan. Halaber aurkeztu ahal izango dira Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan aipatzen diren lekuetan.

6. artikulua. Kudeatzeko prozedura

1. Zirkular honen argitaralpena Saileko webgunean egingo da. Hala ere, egoki iritzitako beste prozedura batzuk ere erabili ahalko dira informazioa langile guztiei helarazteko.
2. Eskabideak Mahai parekideak ebatziko ditu.
3. Ordainketa nominaren bitartez egingo da.
4. Funtsa lehenengo fasean agortuko da eskaeren diru-zenbatekoa zenbateko erabilgarriaren berbera edo handiagoa baldin bada. Bide judizialek ebazten diren eskaerak hurrengo urteko Gizarte Funtsaren kargura ordainduko dira.

7. artikulua. Bateragarritasunak

Laguntza hauek bateragarriak dira nomina-aurrerakinekin, aurrerakin itzulgarriekin edo nominan hileroko atxikipena dakarren administrazio publikoaren beste edozein prestaziorekin.

8. artikulua. Bateriaezintasunak

Zirkular honetako laguntza-modalitateak bateraezinak dira gertaera eragile berberarengatik beste edozein entitate edo erakunde publikok emandako antzeko beste laguntza ekonomikoekin, zenbateko txikiagokoak direnean izan ezik, kasu horietan aldea eskatu ahal izango baita, laguntza horien nondik norakoa eta zenbatekoa agiri bidez egiaztatzen bada.

Aurreko puntuetan aipatzen den kasuan interesdunek jasotako laguntza txikiagoen zenbatekoa kenduko zaio Formakuntza Funtsaren aplikaziotik datorren laguntzaren azken zenbatekoari.

Edozein kasutan, eskaera egiten duen pertsonaren erantzukizuna izango da eskaera ez aurkeztea eragile berberarengatik beste edozein entitate edo erakunde publikok emandako antzeko beste laguntza ekonomikoak onartu bazaizkio eta, laguntza hori protesi edo tratamendua baino txikiagoa bada, laguntza horien nondik norakoa eta zenbatekoa agiri bidez egiaztatzea.

9. artikulua. Faltsutasuna eskabideetan

Datuak ezkatutzeak, aurkeztutako dokumentuetan datu faltsuak jartzeak edo eskatutako dokumentazioa ez aurkeztea haxe ekarriko dute: eskatutako laguntza ukatzea, edo emandako laguntza galtzea. Azken kasu horretan, behar ez bezala jasotako zenbatekoak itzuli beharko ditu interesdunak, eta Zigor Kodearen 390. eta hurrengo artikuluetan aurreikusitako



erantzukizun penalak eta sor litezkeen erantzukizun zibil eta administratiboak eskatu ahal izango zaizkio.

II. KAPITULUA OINARRI ESPEZIFIKOAK

10. artikulua. Laguntza-motak.

1. Euskalduntzea.
2. Hobetzeko ikastaroak.
 - a) Garbiketako langileen kasuan, hobekuntza-ikastaroak izango dira akreditazio profesionaletan jasotako gainazalak eta altzariak garbitzearekin zuzenean lotutakoak.
 - b) Sukaldaritzako langileen kasuan, hobekuntza-ikastarotzat hartuko dira sukaldaritzako teknikekin zuzenean lotuta daudenak, sukaldariaren lanbide-heziketako tituluetan, lanbide-egiaztapenetan eta elikagaiak manipulatzeko txartelean jasotakoak.
3. DBHko graduatu-titulua edo Batxilergoko titulua edo informatikako oinarrizko ikastaroak.

Dokumentazioa:

- NANaren kopia.

- Ikastaroa ematen duen erakundeak emandako ziurtagiria/faktura, honako hauek zehazten dituenak: ikaslearen izena, ikastaroaren izena, iraupena eta urte naturalari dagokion zenbatekoa, bai eta kontzeptu horrengatik urte horretan egindako ordainketen banku-agiria ere. Dokumentazio hori jatorrizkoa izango da, eta jatorrizko zigilua duen kopia ere onartuko da. Elikagaien manipulazilearen txartela eguneratzeko ikastaroak direnean, horren kopia ere aurkeztu beharko da.

Ezin dira fakturak zuzendu. Fakturak ez zaizkio langileari itzuliko funtsaren ebazpena behin betikoa izan arte.

11. artikulua.- Kotizazio-oinarria

Gizarte Funtsa banatzearen ondoriozko laguntzek Gizarte Segurantzaren Erregimen Orokorraren kotizazio-oinarria osatuko dute, betiere indarrean den araudian aurreikusitakoaren arabera

12. artikulua.- Datuen babesari buruzko oinarrizko informazioa

Zure datu pertsonalak erabiliko dira, eta tratamendu-jarduera honi erantsiko zaizkio: *Langileak kudeatzea*.

Arduraduna: Langileak Kudeatzeko Zuzendaritza, Hezkuntza Saila

Helburua: Irakasle eta irakasle ez diren langileen kudeaketa.

Legitimazioa:

- Tratamendua beharrezkoa da, interesduna alderdi duen kontratu bat betearazteko.
- Tratamendua beharrezkoa da, interes publikoaren aldeko eginkizunen bat betetzeko edo tratamenduaren arduradunari emandako botere publikoak betetzeko jardunean.



HEZKUNTZA SAILA
Administrazio eta Zerbitzuen Sailburuordetza
Langileak Kudeatzeko Zuzendaritza

DEPARTAMENTO DE EDUCACIÓN
Viceconsejería de Administración y Servicios
Dirección de Gestión de Personal

- 2/1993 Legea, otsailaren 19koa, Euskal Herriko Autonomi Elkarteko Unibertsitateko kanpoko Irakaskuntzarako Irakasleen Kidegoei buruzkoa.

- 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen testu bategina onartzen duena.

- 2/2015 Legegintzako Errege Dekretua, urriaren 23koa, Langileen Estatutuaren Legearen testu bategina onartzen duena.

-Eusko Jaurlaritzako Hezkuntza, Unibertsitate eta Ikerketa Saileko lan-kontratuko langileen hitzarmen kolektiboa (2009ko martxoaren 31ko EHAA, 62. zk.).

Hartzaileak:

- Estatuko Administrazioiko beste organo batzuk
- Autonomia Erkidegoko beste organo batzuk

Eskubideak: Datuak eskuratzeko, zuzentzeko eta ezabatzeko eskubidea duzu, baita informazio gehigarrian jasotzen diren bestelako eskubide batzuk ere.

Informazio osagarria: Gure web-orrian kontsulta dezakezu Datuen Babesari buruzko informazio gehigarri eta zehaztua:
www.euskadi.eus/informazio-klausulak/web01-sedepd/eu/gardentasuna/048100-capa2-eu.shtml

Araudia:

Datuen Babeserako Erregelamendu Orokorra
(www.euskadi.eus/contenidos/informacion/normativa_dpd/eu_def/adjuntos/RGPD-2016_0679_eu.pdf).

3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa. (www.boe.es/boe_euskera/dias/2018/12/06/pdfs/BOE-A-2018-16673-E.pdf)

Vitoria-Gasteizen, 2022ko otsailaren 15ean.

EUSKO JAURLARITZA
GOBIERNO VASCO
HEZKUNTZA SAILA
DEPARTAMENTO DE EDUCACIÓN